

Prvi zamjenik visokog predstavnika David Robinson se sastao s Fernandom Gentilinijem i informirao članove Odbora za politička i sigurnosna pitanja o situaciji u BiH

Prvi zamjenik visokog predstavnika, David M. Robinson, boravi u Briselu gdje je održao niz sastanaka na kojima je razmatrana trenutna politička situacija u BiH i zadaci s kojima se ova zemlja suočava na putu ka evroatlantskim integracijama. Tokom posjete, prvi zamjenik visokog predstavnika Robinson se sastao s Fernandom Gentilinijem, direktorom za Zapadnu Evropu, Zapadni Balkan i Tursku pri Evropskoj službi za vanjske poslove (EEAS) i drugim zvaničnicima EU, kao i ambasadorima zemalja članica i njihovim predstavnicima u Odboru za politička i sigurnosna pitanja (PSC) – najvažnijem tijelu za vanjsku politiku EU – i u Radnoj grupi za Zapadni Balkan (COWEB), zaduženoj za pitanja Evropske unije u vezi sa Zapadnim Balkanom.

„Komplementarnost međunarodnih mandata u Bosni i Hercegovini je prednost za uspjeh Bosne i Hercegovine na evroatlantskom putu. Međutim, ono što je još važnije od toga jeste stav izabranih zvaničnika i političkih lidera u pogledu preuzetih obaveza“, izjavio je prvi zamjenik visokog predstavnika Robinson.

Bosna i Hercegovina treba formirati organe vlasti na svim nivoima što prije i početi ostvarivati izborna obećanja data

građanima – investicije, radna mesta i evroatlantske integracije.

Pozdravljujući inicijativu EU za BiH i potpisivanje izjava političkih elita u BiH kao značajne korake prema budućnosti države kao stabilne, održive, mirne i multietničke zemlje u okviru Evropske unije, prvi zamjenik visokog predstavnika Robinson je rekao: „Inicijativa EU i Pakt za rast i zapošljavanje su jasni signali da EU i šira međunarodna zajednica želi Bosnu i Hercegovinu kao partnera. Sada je na liderima u BiH da realiziraju preuzete obaveze i prema građanima i prema međunarodnim partnerima“.